



Notitia Congregationum Et Tribunalium Curiæ Romanæ

Plettenberg, Hunold

Hildesii, 1693

§. 9. De Advocato Fisci.

[urn:nbn:de:hbz:466:1-63032](#)

tur, & quasunque res, quæ apud carceratos reperiuntur, omniaque ad Advocatum pauperum referre, quem mel in Hebdomada, & quoties obincarceratos necesse fuerit, accedere debet.

3. Utterque etiam Procurator pauperum locum habet in Congregatione visitationis Carceratorum. Nihil vero omnino accipere possunt à pauperibus, nec etiam ab aliis carceratis, etiam si divites sint, sine speciali licentia Gubernatoris, aut saltem pauperum Advocati. Pius IV. Const. 87. §. 19. Paulus V. Const. 71. §. 16.

§. 9.

De Advocato Fisci.

1. *Fiscus & Camera in Curia distinguuntur.*
2. *In ea habetur duplex Fiscus favorabilis & onerosus.*
3. *Camera habetur pro Fisco favorabili.*
4. *Advocatus est simul Camere & Fisci. Quod diu duret ejus officium.*
5. *Quibus Congregationibus intersit.*
6. *Committitur ei etiam officium Procuratori fidei.*

7. Quid.

7. Qualia habent emolumenta.

I.

Quamvis Fiscus & Camera in jure & à Jurisperitis non distinguuntur, nihilque aliud sit Fiscus, quam ærarium vel Camera Principis prout complectitur, quidquid ad illius commodum, & rem pecuniariam spectat, in Curia tamen Romana ex Stylo & modo loquendi illius reputantur diversa.

2. Cum enim in ea duplex habeatur Fiscus, alter est favorabilis & privilegatus continens ærarium Principis conflatum ex juribus regalibus, aliisque publicis emolumentis, non ex multa vel poenit corrogatum: Alter odiosus versans tam circa personales delinquentium poenas, quas urgent Fisci Officiales, quam circa æs, quod ex multa & publicatione bonorum ob perpetrata crimina, & contumaciam conflatur.

3. Cum ergo Camera, licet sit Fiscus in primo & favorabili sensu, distinguitur tamen à Fisco in secundo sensu accepto, inolevit consuetudo in Curia, ut Camera dicatur diversa à Fisco, diversisque nominibus appellantur utriusque Procuratores, nam ille, qui est Cameræ, dicitur Commissarius, ille

M m 2

vero

vero qui est Fisci, appellatur Procurator Fiscalis.

4. Advocatus autem cum utriusque Procuratori in iis, quæ juris sunt, afflere & opem suam præstare debeat, dicitur Advocatus Cameræ simul & Fisci. **A**d vocatum Fisci primum ab Adriano Imp. institutum fuisse tradit Budæus in **P**andætas **T**it. **d**e **O**fficio **Q**uestoris. Munus ipsius olim annale erat. **I**. **C**um **A**dvocato **C**. **d**e **A**dvocat. **d**ivers. **J**ud. Deinde Biennale **I**. **S**ancimus **II**. **eod**. Nunc est perpetuum ad vitam, nisi promoteantur ad officia majora & incompatibilia.

5. Advocatus hic locum habet in Camera inter Camerales, & interest Congregationibus Computorum & Camerali, quæ pro juribus Cameræ habentur coram Thesaurario. Præterea adest in Congregationibus Montium & Baronum, Immunitatis Ecclesiasticæ & Consistoriali; omnibusque aliis, in quibus agitur de criminalibus, & de rebus ad Fiscum, vel Cameram Apostolicam quoquo modo pertinentibus; In iisque operam suam præstare debent gratis & absque ulla mercede; Poteat tamen ab instigatoribus, propriam injuriam, vel inter-

interesse prosequentibus, si quid sponte dare voluerint, illud acceptare.

6. Plerumque etiam committitur huic Advocato munus Promotoris Fidei, hoc est Advocati Fiscalis, vel opponentis in causa beatificationis, vel cultus, aut Canonizationis servorum Dei: Ideoque interest quoque Congregationi Rituum, aliisque conventibus, in quibus de ejusmodi materia tractatur. Non admittitur tamen ad Tribunal Inquisitionis universalis, cum hoc proprium suum, & particularem habeat Fiscalem.

7. Emolumenta eadem habet hic Advocatus, quæ habet Advocatus pauperum, & quædam etiam majora, cum inscribere possit in causis criminalibus contra reos accepta mercede ab accusatoribus, vel instigatoribus, quod licet illicitum sit, indecens tamen videtur, ideoque moderni ut plurimum ab hoc abstinere solent.

§. IO.

De Procuratore Fisci & ejus Substitutis.

1. Oficium Procuratoris Fisci.

Mm 3

2. Ep